

ЛЕНИНЭНЬ КИЯВА

НОЯБРЯНЬ

4 чи,

1935 но

№ 118 (469)

ЛКСМ:

5-й по
числу года

ВЛКСМ-нь Мокшэрзянь обкомонт ды Саранскоень ошонь комитетэнь газетаст

„Техникась ломантнень марто прявтсо, конат тонавтнизь техниканть, может ды должен максомс чудесат“ (СТАЛИН).

КЕЛЕЙГАДЫТЬ СТАХАНОВЕЦЭНЬ РЯДТНЭ

Масторось аноксты Октябрюнень

Москов. Масторось васты Октябрьской революциянь 18-це годовщинань Советской масторонть весе населенной пунктизэ трудиятне анокстыть пролетарской празникентень покш казнь.

Вачкесвить бетономь остатка кубометратне, чавновить остатка эскитнэ прядовиц новостройкатнес, молит од агрегатонь ды станоконь ванномат, конатне анокт нолдамс роботамо, лис ить кончеерстэ пландо велькска нолдазь автомобильть ды комбайнат, колхозникень кудотнес понгавтневить Ильичень лампочкатне, прядовить зябонь остатка гектартнэ колхозниктнень вечна максозь модатнесэ.

Сталин лемсэ Московонь автозаводонь коллективесь честь марто прядызе эсинзэ социалистической обязательстванзо—максомс октябрюнь годовщинантень казнес 75 машинат пландо велькска. Заводось велькска топавтызе октябрьской программанзо, нолдась 2830 автомобильть—100 машинадо седе ламо планонь коряс.

„Севкабель“ Ленинградской заводось пролетарской празникентень казнес нолды свяжень васень 10 конденсатор, конатне кармить роботамо покш напряжениянь телефонной линиянь аппаратурасо. Истят конденсатортнэ те шкас усксевичность границынь томбальде.

Ноябрянь 6-це чистэ Киевсэ панжови троллейбусонь васень ки. Моли ускень понгавтнема.

Аволь умок максозь эксплуатацияс западной областень Бежицкий фасонно-литейной заводось. Сон празникентень максы васень тыща тоннат сталь.

„Товарковуля“ 58 номер покш шахтась (Москов алксонь бассейн) топавтызе иень планонзо. Таргазь 200 тыщат тоннат угля. Горняктнэ октябрьской казнес анокстыть пландо велькска углянян якстере эшелонт весемезэ 4500 тоннат.

Пролетарской революциянь годовщинантень прядови Оренбургской областень Бузулукской ирригационной системань васень очереде пек покш строительствась. Елшанка леенть ланкс анок нолдамс 1700 метрань кувалмосо ды 15 метрань сэрсь плотинась, ведень нолдамо бетонной 2 сооружеият, магистральной каналт ды оросительной сеть, конань кувалмосо малав 200 километрат. Луганской районсо Белой велесэ прядови колхозной весе хататнень электрификациясь, тееви пионерэнь кудо. Старобельской округсо Троицкой велесэнт 100 колхозникень кудосо радийонт.

Изюмской районсо Якстере шахтер велесэнт ноябрюнь 7-це чистэ карми роботамо гидроэлектростанция.

Стахановецтнень слет

Саранскоень катонинной фабрикасо ноябрюнь васень чистэ ульнесь фабрикань рабочей-стахановецтнень слет. 36 стахановецтнэде башка, слетсонть ульнесь малав 50 ударникт, конатне роботыть эсист фабрикань стахановецтнень методсо.

Духовой оркестрань морамонть коряс ды виев цыпамотнень коряс, почетной призидиумс ульнесь кочказь Донбассонь шахтерось Стаханов Леша ды Горьковской автозаводонь кузнецсь Бусыгин.

Слетось вачносэ вейке вопрос: стахановской методсо роботаць, стахановецэнь рядтнэнь келейгавтозь—теемс фабрикась стахановскойс.

Фабрикасонть стахановской движениясь ушодовсь октябрюнь меельсэ декадастонть. Октябрюнь 24-це чис ушскамонзо чесальной цехсонть стахановецтнэнь рядтнэс стясть 24 ударникт. Васня, знярдо фабрикасонть арасельть стахановецт, чесальной машинатнень эйсэ роботаць 18 ломанть. Ней жо, знярдо эрва стахановецэсь, 4 машинатнень таркас, роботы 8 машинасо—чесальной весе машинатнесэ роботыть ансяк 10 ломанть.

Бути икелев теке жо цехень точильной бригадасонть 12 ломантьне тейсть 4 машинат, ней жо 9 рабочейт тейть 5 машинат.

Стахановской методсо роботаць—чесальной цехесэ октябрьской

планонзо топавтызе 119,6 процентс. Макссь 427 тоннат фабрикатт.

Истяжо ашти тезесь приготovitельной, механической ды лия цехтнэваяк.

Фабрикань дирекциясь ды инженерно-технической персоналось пек лездыть стахановской движениянь келейгавтоманть. Фабкомось 5 сядот целковийде ламонь питнес рамась стахановецтнэнь театрав якомонь билетт. Весе стахановецтнэнь портретэст понгавтнезь эсист цехтнэва.

Слетсонть ульнесь кочказь 10 стахановецт Мордовиянь весе предприятиянь стахановской слетс ды ноябрюнь 3-це чистэ Московсо панжовицэ Весесоюзнь катонинной предприятиятнень стахановской слетонтень.

Московонь делегатокс кочкизь Тюрина Полян, чесальной цехень работницанть (эрзя), Козловонь, чесальной цехень подмастерэнт; Субаевскоень, чесальной цехень рабочеент; Тихонова Галань, приготovitельной цехень работницанть (эрзя) Митякина Марусян, приготovitельной цехстэ (эрзя) ды механической цехстэ Пономаревонь.

Слетонтень мейле ставановецтнэнь ульнесь теэзь паро обед ды Мюзик-Холлонь артистнэ тейсть паро постановка.

Мар.

Велькска ютасынь весе норматнень

Вана месть кортась катонинной фабрикань стахановецтнэнь слетсонть механической цехень кузнецсь Напалков:

— Сестэ, знярдо мон эзинь кармакшно эшо роботамо стахановской методсо,—мон эрва сменастонть тейнинь ансяк 100 гайкат. Тень кис получишь ансяк 150 целковийт ковонть.

Ней жо, знярдо монь седейс кирвась стахановской методсо—мон эрва сменастонть тейниан 300 гай-

кат. Ды тень кис получан 455 целковийт эрва ковсто.

Но те монь седеенть а оймавты. Мон карман, эшо седе бойкасто кепсеме эсинь молотканть, карман седе бойкасто велявтнеме эсинь рунгонть ды максан слетонтень вал, што мон эрва сменастонть карман тейнеме 400 гайкат.

Велькска ютасынь весе норматнень гайкань тейнемасонть!

Марк.

Педтехникумось аноксты Октябрюнень

Саранскоень Мокшэрзянь педтехникумось зярдья уш кармась анокстамо Октябрюнь 18-це годовщинань вастома. Синст васеньце подаркаст те празникентень карми улеме отличной ды паротонавтнема.

Дирекциясь кармась седе паволгавтомо студентнэнь общежитиясо эрмяост. Аноксты тест од ачамопель (постель).

Студентнэ ютксо меельсэ шкастонть седе пек виензась ГТО-нь значоконь ды ГСО-нь нормань максомась. Физкультурной отделениянь весе 30 студентнэ прядызь ГТО-нь ды ГСО-нь значокс нор-

мань максоманть. Ней анокстыть ГТО-нь II-це ст. значокс нормань максомо.

Покш робота моли техникумонть ушо ендо ды потмонзо мазылгавтнеманть коряс. Студентнэ ютксо паро рисовицятне анокстыть плакатт ды лозунгт. Редколлегиясь аноксты нолдамс образцовой стенгазета. Организовазь хор, кона аноксты эрва кодат морот. Октябрюнь годовщинань чистэнь техникумсо карми улеме вечер, косо студентнэ невтьсызь, кодамс успех марто вастызь сын ине Октябрюнь годовщинант.

Л. А.

ТЕХЭКЗАМЕНЭНЬ ПРОВЕРЯМО

Саранск. Ноябрюнь васень чистэ катонинной фабрикасо стахановецтнэнь слетонт панжомавдо икеле ульнесь проверязь рабочейтнень техникасо дамаост.

Робочей-стахановецтнэнь ульнесь максозь эрва кодат вопрос эсист фабрикасо техникадонть. Вопроситнэнь лангс парсте отведицятнэнь ульнесь явшезь казнь.

Арасель истямо ударник, конась вопросонть лангс отвечамо до мейле аволь кирде кедьсэнзэ цюлкат, эрва кодатт книгат (сехте ламо специальной), минек вождьтнэнь портретт, канцеляриянь эрва кодатт товарт ды лия вешат.

Эсист вопроситнэнь лангс сехте парсте отвечасть приготovitельной цехень стахановкась Половникова Маруся, Митякина Маруся ды лиятне.

Весемезэ ульнесь максозь 57 вопрос. Явшесть малав истянь жоказнь.

Вопроситнэнь лангс парсте отвечамо корты седе, што катонинной фабрикань рабочейтне анокт максомс техэкзаменэнт.

А. М.

Парсте вастсынек Октябрюнь 18-це годовщинант

Б. Березникень р-н. Районсо комсомолонь первичной организациятне анокстыть Октябрьской революциянь 18-це годовщинантень.

Березниксэ комсомолетнэ социальнэ районной кудонтень тейть художественной оборудованья. Анокстыть лозунгт, плакат. Наряжасызь залонт, фойэнт. Организовасть народной инструментнэнь кружок, конась тонавтсь морот „Марш веселых ребят“ „ависмарш“ ды лият революционной морот.

Пермиссэ оборудовить клубонт Комсомолетнэ таблица лангсо невтьсызь колхозной производствоса стахановецтнэнь роботань показателест. Драматической кружокось аноксты пьеса.

Айкинасо комсомолетнэ празникентень вастсызь хозяйственно-политическо кампаниятнень топавтомасо.

Ноябрю 6-це чистэ комсомолетнэ общественной лия организациятнень марто—ютавтыть торжественной заседаният.

Пионертнэ ды школьниктне ноябрюнь 8-це чистэ ютавтсызь эйкакшонь эсист празникест.

А. Сталь.

Михаил Васильевич Фрунзе

М. В. ФРУНЗЕНЬ

биографиязо

Михаил Васильевич Фрунзе шачсь 1885 иестэ Пишпекке (ней Фрунзе) ошсо, Киргизской АССР-сэ. Гимназиянь прядомадо мейле кармась тонавнемне Петербургонь политехнической институтсо. 1904 иестэнь совась РСДРП-в, сеске жо ютась большевиктнэ енов, кармась роботамо подпольной роботасо ды теевсь профессиональной революционерэкс „Арсений ялгась“ лемень коряс 1905 иень май ковсонтонь Фрунзе роботась Иваново-Вознесенскойсэ, косо ветясь текстильщикень пек покш стачканть, сесе жо иестэнь примась участия партиянь III-це съездэнь Лондонсо, 1905 иень прядовома малав жо примась участия Московсо декабрьской восстаниясонть.

1907 иестэ организовакшнось урядникень маштома, но тевесь эзь лисе, март ковсто понгсь полициянь кельс Шуе ошонть ды кавксть судазель маштомс. Мейле смертной казнясь полавтозель каторгасо, конаньсэ сон ульнесь, 8 иеть...

Февральской переворотонть мейле М. В. Фрунзе кочказель Минской ды Виленской губерниянь крестьянской депутатонь советэнь председателксь, ульнесь западной фронтонь армиянь фронтонь комитетэнь членэкс.

1917 иень сентябрысто М. В. сась Шуяв ды Владимирэв, тосто октябрынь 30-це чистэнь кавто тышат вооруженной рабочей марто сыргась Московов. Тесэ сон примась участия ульянь бойтнесэ, конат прядовсть сень эйсэ, што изнясь восстаниянь теицэ пролетарийне. Мейле Фрунзе 1918 иень куншка видес ветясь ответственной партийной, советской, хозяйственной ды военной работа Иваново-Вознесенской губерниясо. 1918 иень сентябрысто сон аравтозэ Ярославской окружной военной комиссарокс. Теке жо иень прядовома малав партиянь ЦК-ась Фрунзень аравтызе IV-це армиянь командуюшейкс, кона армиясь боролась восточной фронтонь южой флангсонть ды уль-

несь задачазо—менстямс Туркестанонть

1919 иень тунда Колчак лек лош-тизе/восточной фронтонь V-це армиянь. Фрунзень командованиянзо



М. В. Фрунзе.

коряс теезель восточной фронтонь южной группа ниле армиясто, конанень эрваньсэ тапамс ашогвардиянь эцицэ бандатнень. Те тевенть Фрунзе пек парсте теизе. 1920 иестэнь партиясь Михаил Васильевич Фрунзень макссь пек стака ды почетной задача—допрок тапамс контрреволюционной меельс армиянь. Якстере вооруженной вийтне, конань ветясь блестящей полководецэс Фрунзе, допрок тапизэ Врангелень армиянь ды менстизэ Крымть.

Мейле Фрунзе роботась Украинасо. Партиянь X-це съездэнь кочказь ВКП(б) нь ЦК-анть членкс. Украинасо маштысь махновщинань, роботась УССР-энь партийной ды советской строительствасонть, кочказь КП(б)-Унь ЦК-ань политбюронть членэкс. 1923 иестэ Фрунзе аравтозель Наркомвоенморонть полавтыцксь. 1924 иень январьсэ назначазь военной ды морской тевень наркомкс.

1925 иень октябрынь 31-це чистэнь стака ормась овси апак учо нельгизе минек ютксто Михаил Васильевич Фрунзень.

(„Правдасто“)

Михаил Васильевич Фрунзе

Кемень иеде теле икеле, 1925 иень октябрынь 31-це чистэнь, весе минек масторганть келемсь пек а паро куля: седеень парализче кулос Михаил Васильевич Фрунзе.

Фрунзень куломась—пек стака емавтовкс весе минек партиянь, весе минек народонть.

Пек паро ды увлекательной Михаил Васильевич Фрунзень революционной роботазо. Весе эсинэзэ сознательной эрямонзо сон целанек ды апак жаля максызе рабочей классонть оляс менстямонзо кис боролсь тевентень. Сон васень иетнестэ уш—толонь васень линиясонть. Ды мейле, косо бу Михаил Васильевич аволь уле 1905 иестэ пролетарской стачкань ды вооруженной восстаниянь активной участникнэ ютксо, каторгасо, подпольной роботасо Московсо, Иваново-Вознесенскойсэ, Шуесэ ине октябрынь организовицанте ютксо гражданской войнань пек ламо фронтнэсэ, Якстере армиянь прявтокс,—эрва косо сон невтсь а пелица ды а сизия большевикень образец.

Теке марто Фрунзе ульнесь государственной покш деятелекс, политической ды культурной кругозор марто. Сон пек кеместэ сюлмавозель массатне марто ды эрва тевсэнь, конань максылизе тензэ партиясь, невиллизе эсь прынзо паро организаторокс, кона парсте содылинзе востокнэнь ды а ютыль весе сех вишка тевтне вакска. Неть свойстватнень сон сех пек невинзе сестэ, зардо партиясь аравтызе сонзэ Якстере армиянь прявтокс ды зардо сонзэ участиянзо пингсэ ушодовсь покш работа Советэнь Союзонть боевой виензэ кемекстамонть коряс.

Кемень иеть ютасть Фрунзень куломандонзо мейле. Но сонзэ образос эзь ема ды а еми. Фрунзе эрва зардо эри минек седейснэк прок Ленинэнь верной ученик ды Сталинэнь малавикс сподвижник, прок пек паро ды обаятельной большевик, прок дисциплинированной салдат, коммунистманть кис пек преданной борец.

(„Правдасто“)

Революциянь воин

(Н. Бухаринэнь статьясто саяевкс)

...Ламо славной подвигт теиць Фрунзе ялгась, седейсэ сон невтнесь личной пек покш храбростень пример: Московонь баррикадатнесэ, лево-эзеровской мятежнь шкастонтькак, Уфа маласояк, переконпоть грозной укреплениатнень икелеяк, Украинасо. Неть подвигтнэде кармась улеме ушэвкст, сынст кувалт морыть морот. Но Михаил Васильевич ульнесь аволь ансяк а пелица. Сон ульнесь пек образованной ломанькс. Сон ваннись весе лия масторонь литературанть мельга. Сон пек покш значения макснесь техниканть. Сон ульнесь вейке сетне эйстэ, конат пек решительностэ аравтызь авиациянь проблеманть. Вооруженной вийтнень единой ориентациядонть („единой военной доктрина“) вопросось, терчастьнеде ды милициядонть, вооружениянь техникань, единоначалиядонть, национальной формированиянтьнеде ды лият—ниркийнестэ меремс, военной важнейшей проблематнень сон сонсь тонавтнелинзе.

Военной наукатне, кода боевой практикаськак, Фрунзень действительной натуранть ульнесь притягательной покш виекс. Эшо од шкасто „дружинник“ ды „боевик“ Арсениесь пек покш мельсэ тонавтнесь военной тевень теориянь. Сон тонавтнесь эйсэнзэ тюрьмасояк, зардо сонзэ-маштомась (казнясь) ульнесь прынзо вельксэ. Сон тонавтни эйсэнзэ (военной теориянь) сестэ, зардо кармась улеме „мужем совета“, покш политикекс, военной покш ветицксь. Теориянь ды практиканть, политиканть ды военной тевенть те вейс сюлмамось сонэнзэ макснесь покш преимущества. Талантливой стратегесь ды тактикесь, сон маштыль пек парсте искусно кочкамс вачкодемась главной направлениянь. Стальной закалкань ды волянь ломанесь, сон операциянь ютазтыль пек кеме последовательностэ ды энергия марто. Верной ленинецсь, сон эрва зардо парсте тевс ютавтылизе гражданской войнань политической обстановканть.

Сон ульнесь вейке сетне эйстэ, кие чаркодизе, што Сталин—партиянь ды масторонть велямонзо коряс Ленинэнь вейкине приемникезэ.

Сонзэ куломандонзо мейле кемень иень ютазгак эщэ яла живсть марьяи те пек покш емавтовксось, минек пек покш ды талантливой воинэнь, партиянь героической черанзо ды пек обаятельной ломанень емавтомазо те ишнинь полководецэнь, конань икеле сорнэсть врагнэ, оймезэ ульнесь пек нежной ды сонсь пек чветель. Пек вадрыль характерэзэ. Сон пачк теиль видьстэ, наяв. Покш оyme. Покш ломань. Покш полководец. Минь сонзэ зардо а стувтсынек. Сельменек икеле—аволь Фрунзе, кона ашти кандолазсо. Те образос появи ды еми. Сельменек икеле—веси, жив, а пелица Михаил Васильевич, конань марто вастомандонть, кортамондоть мелезэть пек паро, партиянь линиянзо кис, боец, сонзэ благородной цера, Сталинэнь верной соратникезэ, Колчаконь ды Врангелень изницясь, Клим Ворошиловонь ялгасо, баррикадной боецэсь, пролетарской революциянь отважной воинэсь.

(„Известиясто“)

Профкомось кекшн жуликенть

Кияк эзь ванкшно ды эзь про-верякшно, кода роботы Сыркин. Сонзэ аравтокшнось академ. секторс. Ды тейнесь, алясь, тоса—месть мелензэ. Ды сех пек сон прынзо невтнэ студентнэнь пельде лишной ярмаконь саемасонть.

Сыркин—Саранскоень мохшэр-зянь педтехникумонть студент. Тонавтни 3-це классо. Сон студентнэнь явшиль талант столовойсэ ярсамонь кис. Ды вот вестэ истя, аволь пек умок явшесь талант 13 чис. Эрва студентнэнь пельде талантнэ кис эрва бу саемс 19 целковойть 50 трешникть. Сыркин жо сайсь 22 целковойть 50 трешникть. Лиякс меремс—эрва студентнэнь пельде сайсь 3 целковойть лишной.

Сыркинэнь те ды эшо койко-дат тевензэ лангс таргизе „легкой кавалериясь“. Тевесь максзель профкомс. Ды тосо Сыркинэнь макссь ансяк строгой выговор. Студентнэнь тень марто эсь соглася, сын вешить, штобу седе казямосто чумондомс те жуликенть. Профкомось жо мезеяк лия эзь тее.

Ютасть аволь пек ламо чить. Ды Сыркин кармась анокстамо, штобу кез пандомс сетненень, конат лангс таргизь тевензэ. Сон эрва кода кармась педсеме „легкой кавалериянь“ членэнтень Старших ялганть. Старших вестэ тылкадизе Сыркинэнь ды те жуликесь чавизе Старшихень. Ды теде мейле мартоноз таго кодаткак мерат апак прима.

Алдаев,
Люсин.

Сокор ломанень школасонть

Ардатова ошсо роботы сокор ломанень школа. Школасонть ули комсомолонь организация, конаньсэ 11 члент. Весе комсомолэцнэ специальной кружксо тонавтит партиянь историянь.

Комсомолэцнэ сех парсте тонавтит сокоронь школасонть. Сынст ютксо улит отличникть—Синтиурин, Шулина ды лият.

Парсте аравтозэ школасонть комсомолонь организациянь роботазо. Культурникесь Жижин ютавтнекшн эрва кодат интересной беседат. Комсомолэцнэ инициативаст коряс организоваз ды парсте роботыть духовой, струнной оркестрань, хоровой кружокт. Весе комсомолэцнэ ютксо вадра дисциплинась. Районсонть сокоронь школань арганизациясь ловови примернойкс

А. Фомин.

18 иеть роботы учителькс

Кочкуровань р-н. Ташто Мурзань аволь полной средней школасонть роботы учителькс Стратонович Вера Ивановна. Сонэнзэ 36 иеть, сынст эйстэ 18 иетне ютасть учительской роботасо.

Сон тонавты рузонь келенть, литературанть ды морамонь коряс. Школасонть роботы сехте парсте. Вети общественной покш работа—сон месткомонь председатель, вети драматической ды хоровой кружктнэнь роботаст, конат ней пек парсте анокстыть октябрынь 18-це годовщиантень.

Б. А.

Ленинэнь партиянь историянзо тейсынек эрва коммунистэнь, эрва комсомолецэнь социализмань кисэ эрва бороциянь достояниякс! Партиянь врагонзо каршо партиянь бороцямонь опытэнзэ коряс эщо седеяк кеместэ-кемекстасынек минек од ломаньтненень! Марксонь, Энгельсэнь, Ленинэнь теориясонть эрва коммунистэнь идейной вооруженностензэ кисэ!

Кода комсомолец тнэ работасть икеле ды ней

Октябрьской революциянь 18-це годовщинань праздникентень аноктамонь читнестэ Ленин лемсэ колхозонь (Н. Вязерской вельсовет) комсомолецтнэ организовасть ледстнимать комсомолсо икелень работадонть. Вана месь неть читнестэ евтнесь Смывин сыре комсомолецэсь колхозонь од ломаньтненень.

„Комсомольской ячейканть организовамонь васень иетнестэ, минь комсомолецтнэ эзине мукшно эстенек тев. роботынек замкнутойстэ, аволь конкретнайстэ Бывало дурнавиленек, кортнилленек комсомолс совавтомадо, классовой бороцямондонть, международной положениядонть ды только.“

Лиякс ашти тевись ней.

Ней минек организациясо эрва комсомолецэсь содасы эсь тевензэ. Ды организацияськак кассь. Бутим икеле ульнестэ комсомолецтнэде 4-5 ломаньт, то ней 29. Минек организациясь ламо макссь роботникть районь. Икеле минек арасельть тейтирть, ней ниле комсомолкат, эщо седияк ламо кучинек тонавтнема. Комсомолецтнэ роботыть колхозонь производствасо ответственной участкасо. Саемс примеркс те иень сюронь урядомонть комсомолецтнэ работасть вейке—нуема машинасо.

Кото—государствас сюронь исксиякс, кото—пултонь усксиякс, кавто—бригадиркс, вейке—вельсоветнэ председателкс ды лият.

Сюронь урядомонть, велень хозяйствань лия роботатнесэ комсомолецтнэ невтит ударной роботань образец. Курданов Вая. Сон комсомолецэсь од. Выработкань норманзо топавтисэнзе, свал эрси якстере доскасо. Бутим икеле мернестэ тензэ отличник, то ней стахановец. Вая те лементь нама достоен, Истя жо, кода Вая роботыть Хрестин Володя, Киселев ды лиятнеяк.

Ленинэнь лемсэ колхозонь комсомолецтнэ аволь ансяк валсо, тевэс тердять, мобилизовать колхозниктнень, од ломаньтненень колхозсо уд арной роботанть Секс вана Ленин лемсэ колхозось тедиде (истяжо ютась иетнестэя) райононть васеньцекс прядызе сюронь урядомонть, срукто икеле топавтызе сюронь урядомонь планонть.

Ив. Пузаков.

А ЭРИТЬ ПОЛИТЧИТКАТ

„Молния“ колхозсо улить 5 коммунист (парторгокс роботы Бадрякова Екатерина), но политикас тонавтомась аравтозь беряньстэ. Парторгось кармавтнize Абрамов Григорий, шобу сон ютавтоволь политчиткат, но Абрамов тень а топавты.

Коммунистнэ кодаткак газетат а ловныть. Текущей политикасонть содыть седе аламо, чем рядовой колхозниктнэ.

Политчиткань ютавтомо улить весе условиятне. Школась паро, валдо. Од цератне ды тейтерне вешить, шобу улэвель организовазь текущей политикань тонавтнема кружок.

Березникень р—н.

КСМ.

Комсомолонь организациятнева

Кода тонавтит комсоргтнэ

Октябрынь 26-це чистэ райкомонь бюросо ульнесь вопрос комсоргтнэнь личной тонавтнемадо. Тейнестэ отчет Казарев (Елизаветенкасто) ды Слугин (Дигилевкасто).

Эрваоль бу, шобу комсомольской организатортнэ невтевельть пример, кода роботамс эсь прянтэ лангссо, политической ды общеобразовательной уровененть кастамосо. Но Березникень районсо, ламо организациясо тень эзизь лово.

Казарев ялгась, Елизаветинской первичной организациянь комсоргось, роботы колхозонь председателкс. Беряньстэ тонавтни. Текущей политикань мепга паро ладсо а следи, райкомонь бюросонть текущей политикань вопрос лангс вейкеяк виде, полной ответ эзь максо.

Седияк беряньстэ ашти тевесь Слугин комсоргонть марто. Слугин овсе а роботы эсь прянзо лангссо, мезеяк а ловны, мезеяк а содыак.

Комсоргтнэнь беряньстэ тонавтнеманть кувалт намо чумо ВЛКСМ-нь райкомоськак, конась комсоргтнэнь марто кодамояк работа а вети.

Райкомонь роботниктнэ, конат эрить первичной организациятнесэ а лездыть комсоргтнэненень, а организовать сынт тонавтнемаст.

Райкомонь пропагандистэсь Юнина ялгась ульнестэ Елизаветеекань организациясонть, но Казарев комсоргонть эзь лезде политтонавтнеманть организовамо.

Райкомонть кенгелась, кортась што тосо парсте ашти тевесь Дигилевской организациянь марто райкомось почти овсе а роботы. Тосо организациясонть 20 комсомолецт, конатне овсе сезевезь союзной работадонть.

Райкомонть эрваить ловомс неть асатыкстнэ ды кармамс вейке комсоргтнэнь Марто живой, интересной работа.

А. С.

Вельмавтомс организацияньт

Березник. Ютась иетнестэ Эрзя Найманонь комсомолонь организациясь ульнесь массово йроботань ветица организаторокс. Велесэнь ульнесь виев драмкружок. Сеельстэ ульнестэ тейнестэ постановкат ды самодельностьень чокшнеть. Колхозниктнэненень ды од ломаньтненень сехте вечкевикс таркакс ульнестэ клубось ды ловнома кудось.

Овси аволь истя ашти тевесь ней. Комсомолонь организациясь каладома лангссо. Велесэнь кияк а соды

комсомолецтнэде. Клубось ды ловнома кудось а роботыть. Комсоргось Чекарев а содасынзе эсинзэ комсомолецтнэ, сон а соды мейстэ кундамс роботамо.

Те организациянтень сеельстэ якить райкомонь инструкторт. Но сынь ансяк якить, лезкс жо кодамояк а макснить.

Соды ли райкомось те организациядонть ды тосо инструктортнэнь работадост?

М—лин.

Школатнева

ПАРО УЧИТЕЛЬНИЦА

Лаврешина Любовь Ивановна тонавты Чамзинкань полной средней школасонть зоологиянь ды химиянь коряс. Сонзэ пек вечксызь весе эйкакштнэ, пек уш парсте тонавты. Мелавты эрва тонавтицянтэ кис. Сон весе виензэ путысенень, шобу весе парсте чаркодевлизь эрва теманть. кияк аволь кадово удалов. Зядро карми кортамо, то сонзэ эйсэ пек парсте кунсолыть весе тонавтицянтне.

Школасонть сон весе учительтне коряс сех парсте тонавты. Любовь Ивановнань кавонест предметнэнь коряс весе тонавтицянтне сех икеле молить, зоологиянь ды химиянь коряс школасонть арасть

беряньстэ ды посредственной тонавтицянт. Весе тонавтиць парсте ды отличнойстэ. Любовь Ивановна эсь предметнэнь пек парсте содасынзе, сон эсь тевсэнзэ вадря мастер. Эрва чистэ уроктнэненень аноксты вадрясто. Сень лангс апаковано, што Любовь Ивановна тонавтыкавто предметнэнь коряс, вети общественной работа, мушны шка эсь лангсонзо роботамонь, Любовь Ивановна вадря учительница, теке жо шкане сон эрва тонавтицянтень вадря ялгэ, сонзэ пек партотделениянзо весемень марто. Секс пек вечксызькак весе тонавтицянтне.

Пионерка М. МЕРЛУШКИНА.

Эль юты васенце четвертэсь преподаватель яла арась

Ордань буень аволь полной средней школасо вано те шкас арась рузонь келень ды литературань дисциплинатненень коряс преподаватель. Тусь школастонть эрзянь келень преподавателеськак.

Тевтне беряньт. Наркомпросонь

постановлениясь школасонть малавкак аютавтови тевс.

Мезе учи школань дирекциясь. Мекса а вешни рузонь келень преподаватель? Эли учи кода юты васень четвертэсь.

Шуми.

Тень эйсэ прядовсь весе тевесь

Чамзинкань р—н. Сентябрынь 4-це чистэнь Кшуманця велень комсомолонь первичной организациясонть ульнесь промкс. Берянь роботань кис каязель икелень комсоргось Бекшаев. Организовазь полит тонавтнемань кружок. Аравтозь кружоконть ветица—Горбунов Д. Кочказь лия комсорг—Ивашкин. Ды весе тень эйсэ прядовсь тевесь Сермадсть протокол. Путызь папкас. Ды оймасть. А политтонавтнема, а промкс седе мейле эзь ульнестэ.

Организациясонть, кода икеле, истя жо ней. арасель ды арась кодамояк работа. Улить истят комсомолецт, примеркс, Меньшов Борис, конат овси а якить промксов. Теке жо Меньшовось (ды сонзэ кондятнэ) кото козт эзь пачдо членской взност. Од комсоргонть эрваоль бу лангс таргамс весе истятнэнь ды примамс марто: мерат, сон жо весе лия комсомолецтнэнькак, сакень вант, Меньшовонь конямокс тейсынзе.

А. К.

Организовазь семинарт

Чамзинкань р—н. ВЛКСМ-нь Чамзинкань райактивесь кизэнь шкасонтькак тонавтнестэ. Ней комсомолонь райкомось активентень организовазь теоретической семинарт.—партиянь историянь марксизмань классиктнэнь подлинникест коряс тонавтнема. Семинартнэс якить 30 ломанть, конатнестэ 13 од тейтерть.

Теде башка эрсить лекцият. Октябрынь 26-це чистэ активентень ульнестэ теез лекция итало-абиссинской войнадонть. Лекциянь тейнизе коммунист Ерманов. И. Бояркин.

Нирькинесть рабфаконь тевтнеде

Саранск. Эрзя-мокшонь пед рабфаксо ламо студентнэ арасть постельной принадлежностест. Удсить студентнэ голый лаз лангсо.

Беряньстэ роботыть уборщицатне. Умывальниктнэсэ а эри веель. Студентнэненень сеельстэ савкшны якамс занятияв чамань апак шлякшно.

Лавшосто ашти тевесь художественной роботанть марто, кинот, спектакольть рабфаксо эрсить чуросто.

123 целковоень питнес студентнэнь ютксо микшнестэ ОСО-нь 9-це лотореянь билетт. Васень курссо „С“ группасонть Малышев ОСО-нь уполномоченноесь мись 40 целковоень питне.

Рабфаконь первичной комсомольской организациянтень школань дирекциянтень эрваить примамс мерат тесэ невтезь асатыкстнэнь маштомасо.

ДСП.

„Паровой самоходонть“ 120 иеть

Топодсть 120 иеть зардо Нева-лангс появась васень пароходось. 1815 иестэ—Шодландец Берд заводчикесь теись основа невской пароходстванть. „Ведь ланга паровой самоходонь“ зрелищанть ланге ламо вансть, но васень шкастонть аламот невтизь мелест укшномс те суднасонть,

Кавто иень ютазь, 1817-це иестэ Берд получась монополюной права пароходонь теимань ды 10 иес ведень китнесэ эксплуатациянь кувалт.

(„Красная звезда“).

Охотникесь, маитсь 114 офто

Иваново Вознесенскойсэ физкультурань областной советсэ сфтонь маштыця охотникентень Моковеевнень (Минулино хутор, Чухломской р.н.) казсь монограмма марто охотничей вадря ружия.

Моковеевнень куроксто топодить 70 иеть. Васень 8 пондонь сталмосо офтонть сон маштызе 57 иеть ютасть, зардо ульнестъ тензэ 13 иеть. Весемезз пингензэ перть охотникесь маитсь 114 офто. ламотнень кундынзе живстэ Югась теленть Моковеев маитсь 11 офто, нилетнень кундынзе живстэ ды максынзе зоологической садс, звериницас. Те иень кизэнтъ ды сексентъ Чухломскоень схотниктне Моковеевнень руководстванзо коряс маитсь 13 офто.

Колхозницатне маитсь верьгиз

Омской областсэ, Тюкалинской районсо велетнева веть сеельстэ якить вергизт стаясо ды повситъ скотинат.

Октябрьн 30-це чистэ „Север“—колхозонь свинарникс совась верьгизь. Те шкастонть Вфросенья Туманова, Христина Юрьева ды Аграфена Одинцова свинарниктне андсть туво левкст. Меze лангскак апак вано Юрьева Христина верьгизэнтъ кундызе пулодо, лия свинаркатне каявсть лангозонзо палка марто. Верьгизэнтъ маштызь, туво левкстнэ кадовсть живстэ.

Метронь омбоце очередень строямосонть

Московонь метронь омбоце очередень строямосонть роботатне молят пек парсте. Ней стройкасонтъ роботыть малав 40 тыщат рабочейть. Октябрьн 31-це чинть самс ютазь 1100 метрат ды бетонировазь километрадо ламо стволт.

Метронь стахановецтне невтить роботань производительностень пек паро примерт. Шейхутдинов, Чернов, Ракитин, Примаков кавксть-колмксть великка топавтить проходкань нормаст: Дончук, Дронов ды лия арматурщиктне нормаст великка топавтить аейктыщат процентс.

Сывельде ярсамс а мерить

Берлин (Германия). Национал-социалистической руководителтне кармасть ветямо покш кампания сывельде ярсамонть каршо. Сарской областсэ национал-социалистической организациянь руководителтень Дюркелень „починэнзэ“ „почтной чинь теемадо“ ловить истямо примеркс, конань пекшныть ды мерить сонзэ коряс тееме.

Октябрьн 31-це чистэнтъ спорт-палатасо берлинской муниципалитэнь 22 тыщат служащесень ды чиновникень промкссо эсь масторсотемень ветямонь министерэсэ фрик согласясь „почтной чинь“ теемадо Бюрелень инициативанзо марто ды кортась берлинской служашейтненень ды чиновниктнэнень заронь-гак туртовотказамс жирэнь дысывелень эсь доляст эйстэ.

Брюншвейгсэ таргазь ответственностьс скотобойнянь владелецсень кис, што печкевтсь 4 тувот теь кис специальной разрешениязомо. Октябрьн 31-це чистэ Кекигсберсэ 11 арестовазь ломанть, заласос сывелель рамсемань кис. Арестовазытнень кедьстэ сазель аволь пек ламо фунт сывель, конань сын рамсизь четвертушкосо.

Антифашист ской митинг

Париж. Таврасо ульнесь народной антифашистской фронтонь митинг, конаньсэ участия примаст 10 тыщат ломанть. Митингсонть участия примась компартиянь представителсь Жак Дюкло, „Камилл Пяйльтан“ группань руководителсь Кюдене, Гиве профессорось, истяжо радикал социалистической партиянь представитель.

Минек материалонк коряс

„А мелявтыть физкультуранть кисэ“

Истямо заголовка ало „Ленинэнь киявасо“ сентябрьн 10-це чистэ ульнесь заметка, косо сермадозь, Кочкуровань райцентрасонть арась физкультурной робота, арась райСФК-нь секретарь. ВЛКСМ-нь

райкомось пачтась куля, сермады, што тень кувалт мерат примазь. Райцентрасо од ломаньтнень ютксо роботась ладязь, аравтозь од физкультурник.

„Кочкуровань эйкакштнэде ды сынст/воспитательтнеде“

„Ленинэнь киявасо“ августонь 17-це чинь № нть ульнесь заметка, косо сермадозь, што Кочкуровасо беряньстэ аравтозь эйкакштнэнь мельга ваномась. Ясласо воспитаниянь тевесь максозь сыре аволь грамотной ломаннень. Урозниле эйкакштнэ, конань колхозось саинзе воспитовамс, эрясть вачоло,

карьгодьстэ. ВЛКСМ-нь Кочкуровань райкомось пачтась тенек куля, што заметкасонть сермадозь фактнэ видеть. Асатыкстнэнь маштоманть коряс примазь мерат. Заметканть кувалт вопросось ульнесь аравтозь райкомонь бюросо, толковазь педколлективсэ, родительской промкссо.

Эх, кодамо мазый

Фамилиязо ломанентъ Ваняйкин Сон роботы Ташто Марезь велень аволь полной средней школасонть—географкс. Аволь пек умоякась Чамзинкав—РОНО-з макссть тосто тензэ географической эрвакодот наглядной пособиат. Весесынъ ульнестъ пек мазыйть. Тустъ Ваняйкинэнь мельс. Сон саинзе ды кадынзе эстэнзэ. Школав эзинзе невтнеяк. Аравтнинзэ эсинзэ квартирав, педявтинзэ ст-

нава. Варштат, ды кодамо пек мазый ней Ваняйкинэнь квартиразо.

Школась яла учи пособиатчэ-йкакштнэ кевкстнить Ваняйкинэнь: Зардо жо кармить улеме картат ды лия пособиат? Вана курок гэй, кучи тенек роюсь,—кортни Ваняйкин.

Неиця.

Итало-Абиссинской война



Снимкасонть: Абиссиниянь кавалериясь кады Аддис-Абебонть, тусь северной фронтов.

Итало-абиссинской фронтнэва

Италиясь рамси военной товарт

Итало-абиссинской войнань фронтнэсэ башка переменатараст Северный фронтсонть Дессе ошонь районсонть абиссинецтнэ пурнасть 150 тыщань армия. Од вийтне яла сыть. Лия масторонь газетатнень пачтямост коряс абиссинской командованиясь учи итальянецтнэнь наступлениянь ушодоманть Дакильской пустынянтъ ендю—Африкань сехте пси ды стакасто ютневиця пустынястонть. Итальянецтнэ арсить керямс Абиссиниянтъ вейкине чугункань кинзэ, конась масторонь столичанть Аддис—Абебанть сюлми французской Сомали колониясо Джибути портонть марто. Швейцарской газетатне тешкстыть военной покш товаронь рамсемадонть, конатнень Италиясь рамси пек бойкасто сехте ламо Америкасто ды Германиясто. Швейцарской чугункань китне

пешксетъ германской товардо, конатне молить Италияв.

Лондон. Английский печатентъ пачтямонзо коряс, итальянской войскактне, конатнесэ 15 тыщат ломанть танка ды паксянь артиллерия марто неяви анокстыть наступать Данакильской областсэ, исходной пункткс кирдить Мусса—Али пандонть.

Итальянской войскактнень каршо тюрить веть Ассимерань племян народтнэ, конатне бороцить аволь покш отрядкесэ. Итальянской караванось. конатанть каршо Мусса-Али пандонь чи валгома енто 16 километрасто бороцять те племянть войнтнэ, юмавсь 15 маштозь ломанть ды 25 верблюдо, истяжо лама снаряжения.

„Паймсонь“ корреспондентсэ арси, што Итальянской войскактнень наступлениясь, можот, карми улеме Дессинть эли Аддис—Абеба—Джибути чугункань кинть лангс. Дессисэ 150 тыщат обиссинской войскакт.

„Морнинг Постонь“ корреспондентсэ сермады, што абиссинской министертнэ, конатнень марто сон кортнись, кенярдить сенень, што итальянской войскактне молить Данакильской пустынянтъ трокс. Тя участкасонть—пек пси, арась ведь.

А тонавтни, а ловны

Кочкуровань р.н. Ташто Мурзань первичной организациянь промкссо ульнесь кунсолось Гришин комсомолецэнь самотчетозо, кода сон тонавтни, кодат ловны газетат, кинигат. Отчетсонть неяви што Гришин кодаткак газетат, кинигат а ловнокшны. Мик а содасынзе газетатнень леместкак.

Комсомолец.

Ответ. редакторось М. ЛЮПАЕВ.